

地180
34
部=178

甘肅全省新通志

卷玖拾陸
至玖拾陸

甘肅新通志卷之九十五

志餘 僭竊 割據 軼事 仙釋 方伎 考異

前九篇之志條貫列郡凡百事體既依類相從復以志餘名篇可也其事其人本與此邦相屬存之則無門可入棄之則遺憾良多不得不爲別錄之舉其因利乘便假稱名號者入僭竊類若崛起爲雄保有數郡則割據耳至前代遺聞文人瑣記吉光片羽嗜古者實若奇珍作軼事傳之可矣此外仙釋方伎實有其事卽宜實著其名豈齊諸志怪之書所可擬者終以考異則實事求是信以傳信之意也名之曰志餘志之體不綦嚴哉

僭竊

昔班彪作王命論謂神器有命不可以智力求而憑權藉勢者竟若天位可以闖于此僭竊所由來也甘疆昔罹厄運負隅自雄者往往越次妄據卒之喪保家之主失天年之壽視嬰母知廢陵母知興蓋遠不逮矣志之用昭殷鑒云

甘肅新通志

卷九十五

志餘 僭竊

一

周秦襄公始封爲諸侯作西時用事上帝僭端見矣禮曰天子祭天地諸侯祭其宇內名山大川今秦雜戎翟之俗先暴戾後仁義位在藩臣而臚於郊祀君子懼焉及文公踰隴攘夷狄尊陳寶營岐雍之間而穆公修政東竟至河則與齊桓晉文中國侯伯侔矣

漢隗囂字季孟天水成紀人少仕州郡王莽時歸鄉里季父崔素豪能得衆聞更始立而莽兵連敗乃與兄義及上邽人楊廣冀人周宗謀起兵應漢囂止之不聽遂攻平襄殺莽鎮戎人尹崔廣等以爲舉事宜立主以一衆心謂囂素有名好經書遂共推爲上將軍囂辭讓不得已乃從之遣使聘平陵人方望爲軍師用其言立廟邑東祀高祖太宗世宗囂等皆稱臣執事史奉璧而告祀畢遂割

牲而盟曰凡我同盟三十一將十六姓允承天道興輔劉宗如懷
姦慮明神殛之事畢移檄郡國數莽不道稱漢復元年勒兵十萬
擊殺雍州牧陳慶虜安定大尹王向悉降其眾分遣諸將徇隴西
武都金城武威張掖酒泉敦煌皆下之更始二年遣使徵囂及崔
義等囂將行方望固止之囂不聽望以書辭謝而去囂等遂至長
安以爲右將軍崔義皆卽舊號其冬崔義欲叛歸囂懼并禍以事
告更始誅之以囂爲御史大夫明年夏赤眉入關光武卽位河北
囂說更始歸政光武叔父國三老良更始不聽與諸將謀劫更始
事覺更始使人將兵圍囂囂潰圍出夜斬平城門關亡歸天水復
據故地自稱西州上將軍及更始敗三輔士大夫皆奔歸囂囂諫
恭愛士傾身引接名震西州建武二年鄧禹擊赤眉裨將馮愔叛
禹向天水囂擊破之禹承制以囂爲西州大將軍得專制涼州朔

甘肅新通志

卷九十五

志餘 僭竊

二

方事赤眉欲上隴囂遣楊廣迎擊敗之二三年乃上書詣關光武報
以殊禮言稱字用敵國之儀所以慰藉之良厚陳倉人呂鮪寇三
輔囂復遣兵佐馮異擊走之遣使上狀帝報以手書恩禮愈篤公
孫述數出兵漢中遣使授囂扶安王印綬囂斬其使出兵連破述
軍時關中將帥數上書言蜀可擊狀帝以示囂因使討蜀以効其
信囂託辭不行初囂與來歙馬援相善帝數使歙援往來勸令入
朝囂終不欲東連五年乃遣長子恂隨歙詣關封鑄羌侯而囂將
王元說之曰天水完富土馬最強北收西河上郡東收三輔之地
案秦舊迹表裏山河元請以一丸泥爲大王東封函谷關圖王不
成其弊猶足以霸囂心然元計於是游士長者稍稍去之六年關
東悉平帝積苦兵閒以囂子內侍公孫述遠據邊陲乃謂諸將曰
且當置此二子於度外耳會公孫述遣兵寇南郡乃詔囂當從天

水伐蜀因此欲以潰其心腹囂上言白水險阻棧閣絕敗又多設支閔帝知其終不爲用叵欲討之遂西幸長安遣耿弇等七將軍從隴道伐蜀先使來歙奉璽書喻旨囂疑懼使王元據隴坻謀欲殺歙歙得亡歸諸將與囂戰大敗各引退囂因使王元行巡侵三輔馮異等擊破之囂乃上書謝罪有司以囂言慢請誅其子帝不忍復使來歙至汧賜囂書囂知帝審其詐遂稱臣於公孫述明年述以囂爲朔寧王遣兵往來爲之援勢囂令別將下隴攻祭遵於汧無利乃引還帝因令來歙以書招王遵遵與家屬詣京師八年春來歙從山道襲得略陽城囂乃使王元拒隴坻行巡守番須口王孟塞雞頭道牛邯軍瓦亭自悉大眾圍歙略陽帝乃率諸將西征之數道上隴使王遵持節監吳漢留屯於長安遵以書喻牛邯歸命洛陽於是囂大將十三人屬縣十六衆十餘萬皆降王元入

甘肅新通志

卷九十五

志餘 僭竊

三

蜀求救囂將妻子奔西城從楊廣詔告之終不降於是誅其子恂使吳漢岑彭圍西城耿弇蓋延圍上邽車駕東歸數月王元等將蜀救兵五千餘人卒至泅圍殊死戰遂得入城迎囂歸冀吳漢等食盡退去於是安定北地天水隴西復反爲囂九年春囂病且餓出城餐糗糒恚憤而死王元周宗立囂少子純爲王明年來歙耿弇蓋延等攻破落門周宗等將純降徙之宏農十八年與賓客亡入胡捕誅之

盧芳字君期安定三水人王莽時天下咸思漢德盧芳詐稱武帝曾孫劉文伯誑惑安定閒及更始敗芳自立爲上將軍西平王使使與匈奴結和親單于以漢中絕劉氏來歸當如漢立呼韓邪令尊事我乃使騎迎芳入匈奴立爲漢帝光武建武四年五原人李興等迎芳入塞居九原縣芳自稱天子與匈奴連兵侵苦北邊詔

將軍杜茂等擊之不克十三年芳攻雲中久不下其將隨昱留守九原欲脅芳降芳知之與十餘騎亡入匈奴其眾盡歸於昱昱乃詣闕降詔以昱爲五原太守封鐫胡侯後四年芳復入居高柳使請降帝立芳爲代王因使和集匈奴芳遂上疏請朝南及昌平有詔止之芳還內自疑懼乃復反匈奴遣騎迎之出塞芳留匈奴中病死

宋建隴西人因涼州亂自號河首平漢王聚眾枹罕改元置百官

三十餘年建安十九年冬十月曹操遣夏侯淵自興國

縣討之屠枹罕斬建淵先破走韓遂於長離

川名在秦州秦安縣悉降馬超餘

眾略定諸羌明年金城諸將斬送遂首於是涼州悉平

北魏麴嘉字靈鳳金城榆中人爲高昌王馬儒長史儒通使後魏請內屬人皆戀土不願東遷相與殺儒立嘉爲王焉耆爲嘸噠所滅

甘肅新通志

卷九十五

志餘 僭竊

四

國人請王於嘉嘉遣第二子爲焉耆王以主之嘉死子堅立堅死子伯雅立隋妻以戚屬宇文氏女號華容公主唐武德初伯雅死子文泰立貞觀四年來朝禮賜甚厚及頡利敗有逃入高昌者文泰留之帝下璽書示禍福促使入朝文泰曰鷹飛于天雉竄于蒿貓遊于堂鼠伏于穴各得其所豈不快耶遂稱疾不至乃拜侯君集爲交河道大總管討之十四年師至磧口文泰悸駭發病死子智盛立君集夜逼其都智盛降拜左武衛將軍金城郡公弟智湛右武衛中郎將天山郡公麟德中爲西州刺史卒有子昭好學頗能辭章有鸞異書者母顧笥中金歎曰何愛此不使子有異聞乎盡持易之麴氏據高昌凡五世百三十四年滅

隋梁師都初爲朔方郎將煬帝大業十三年起兵據郡略定雕陰宏化延安等郡遂卽皇帝位國號梁始畢遣以狼頭纛號爲大度昆

伽可汗師都乃引邊寇居河南之地攻破鹽川郡貞觀二年唐太宗遣右衛大將軍柴紹等討梁師都其下弒之以降以其地爲夏州其國遂亡

薛舉金城人初爲金城校尉驍勇絕倫家貲巨萬交結豪傑於西邊煬帝大業十三年夏四月隴右盜起金城令郝援募兵得數千人使舉將而討之方授甲置酒饗士舉與其子仁果及同黨十三人於座劫援發兵開倉賑施自稱西秦霸王招集羣盜掠官牧馬賊首宗羅睺率衆歸之選精銳克枹罕岷山賊衆大振以仁果爲齊王領東道行軍元帥少子仁越爲晉王兼河州刺史宗羅睺爲興王以副仁果未幾舉得隴右之地衆至十三萬秋九月舉自稱秦帝徙據天水立仁果爲太子至唐高祖武德元年八月舉卒子仁果立是年秦王世民舉兵伐之仁果出降唐斬之其國遂亡

甘肅新通志

卷九十五

志餘 僭竊

五

李軌初爲武威司馬煬帝大業十三年薛舉起兵金城軌與同郡曹克謀曰薛舉必來侵暴郡官庸怯勢不能禦吾輩豈可束手並妻孥爲人所擄耶不若相與拒之保據河西以待天下之變衆以爲然遂相與拜軌奉以爲主軌乃令安修仁集諸部自結民間豪傑共起兵稱河西大涼王置官屬尋攻張掖敦煌西平枹罕皆克之盡有河西五郡之地武德元年唐高祖立爲涼王十一月自稱帝武德二年唐遣安興貴襲軌殺之其國遂亡

唐李茂貞深州博野人本姓宋名文通以功賜姓名光啓初爲鳳翔節度使景福初并有山南西道明年合靜難兵犯闕於是盡有秦隴梁洋諸州地乾甯初取閬州二年復合靜難鎮國兩軍犯闕李克用入援乃還鳳翔旣而驕橫如故河西州縣多爲所據三年復犯闕上幸華州光化初乃還長安是時關中州鎮大抵皆爲茂貞

所有天復初進爵岐王旣而其黨共劫車駕幸鳳翔於是朱全忠引兵而西盡取其關中州鎮王建引兵而北悉取其山南之地邠岐自是不振朱梁乾化初蜀又取隴右諸州自是岐所有者岐涇原隴渭武乾七州而已後唐同光初改封秦王卒子繼曠嗣長興初徙爲宣武節度

